

Chris Dammers (AVP):

Edificionan MFA ta percursa pa servicionan den tur Bario di Aruba

ORANJESTAD - Siman pasa nos por a aprecia otro apertura di un edificio multi funcional (MFA), cual e biahá aki a toca esun di e bario di Paradera cu ta carga e nomber “Cas di Mito”. Sr Mito Croes, q.e.p.d, tabata un hende cardinal pais cu e gobernacion di Aruba y tabata un ciudadano di e bario di Paradera.

Parlamento na februari di 2013 a aproba un ley apoderando Minister di asuntonan general pa construi 5 hulpbestuurskantoor den un concepto nobo caminda esakinan lo wordo amplia den extenso pa acomoda edificionan cu uzo multi funcional.

E proyectonan aki lo wordo construi rond af banda di e 5 hulpbestuurskantoor cu ta situa na Noord cu ya ta cla, Paradera cu a keda cla, Savaneta cu ta bou construccion, Santa Cruz – cu a bay openbare aanbesteding y San Nicolas. P

lannan ta pa amplia e ley aki pa inclui Dakota y tambe pa amplia esun di San Nicolas cu ya ta aprobá algo mas. Un cambio di ley pa cu esaki ta na caminda pa Parlamento.

E proyectonan di e diferente MFA nan ta pa crea un mixto di facilidadnan pa metanan pa uzo publico y pa metanan comercial, ariba un escala chikito. E facilidadnan aki mester trece den e barionan banda di locual e hulpbestuurskantoornan por ofrece - facilidadnan deportivo, cultural, educacion (manera un biblioteca y espacio pa internet), y tambe otro facilidadnan pa duna servicio general y pa bienestar social y general, manera un oficina di AZV cu nos por wak na esun di Noord y un Departamento di Asuntonan Social cu probablemente lo bay den esun di Paradera.

E entusiasmo ta grandi caminda un bes cla ya por



bisa cu e edificionan ta yen cu diferente servicionan ya menciona.

Mirando e magnitud di e proyectonan aki cu tur espacio nobo cu mester bin pa haya e aspecto multi funcional mester a of lo traha edificionan comple-

tamente nobo na Noord, Savaneta y Santa Cruz, caminda ya no tin of tabatin espacio pa ampliacion y a busca un otro uzo pa esakinan of bende esakinan. Tur e MFA nan ta incluyendo e hulpbestuurskantoornan pa cu e bario cu ya tabata t'ey cu un servicio mas amplio y moderno.

Locual ta di spera ta cu unabes cu e facilidadnan aki ta funcional e actividadnan aki lo percursa pa un “spin of effect” di otro comerciantenan cu lo kier establece un of otro negoshi banda di e facilidadnan aki.

Por mira cu gobierno y muy en particular minister Mike Eman cu su team di empleadonan prepara pa MFA a pasa den un trayecto largo di planificacion di mas cu 2 aña, caminda cu a laga traha un programa di exigencianan door di e compania Hulandes ICS Adviseurs, uzando e modelo (3G) den cual ta tene cuenta cu e uzo, e edificio y e localidad. Den esaki a tende cuenta cu tur e normanan di humanidad pa cu e accesibilidad pa tur hende di e bario y pa tambe pa es nan cu cierto limitacionnan. A selecciona diferente arkitectonan di Aruba y muy en special di e bario mes. Por papia di edificionan sumamente moderno, funcional y ecológicamente.

Pa locual ta esun di Noord por mira e aspecto bek di un bario reconoci pa nos piscadonan, caminda e boto ta bin padilanti. Esun di Paradera cu recientemente a keda cla por mira un edificio cu espacio nan amplio y ultra moderno.

Cu e edificionan aki Gabinete Mike Eman ta sigui percursa cu servicionan cu normal pueblo lo mester bay busca na playa tambe ta disponibel den diferente districtonan ya menciona. □